



আমিন বার্তা

ত্রৈমাসিক

ঢাকা আহচানিয়া মিশনের তামাক, মাদক, এইচআইভি/এইডস প্রতিরোধ ও প্রাথমিক স্বাস্থ্য সেবা কার্যক্রম আমিক-এর মুখ্যপত্র

সাংবাদিক প্রশিক্ষণ কারিকুলামে তামাক নিয়ন্ত্রণ বিষয়টি অন্তর্ভুক্ত করা হবে মহাপরিচালক, বাংলাদেশ প্রেস ইনসিটিউট

বাংলাদেশ প্রেস ইনসিটিউটের মহাপরিচালক মোঃ শাহ আলমগীর বলেছেন, প্রত্যক্ষ ও পরোক্ষ ধূমপানের ক্ষতিহ্রাস এবং তামাক নিয়ন্ত্রণ আইনের সঠিক বাস্তবায়ন প্রয়োজন। এজন্য জনসচেতনতা বাড়াতে গণমাধ্যমের বিকল্প নেই। বাংলাদেশ প্রেস ইনসিটিউট ও ঢাকা আহচানিয়া মিশনের যৌথ উদ্যোগে আয়োজিত ১৩ সেপ্টেম্বর তামাক নিয়ন্ত্রণ কর্মশালায় সভাপতির বক্তব্যে তিনি এ কথা বলেন। তিনি আরো বলেন, বাংলাদেশ প্রেস ইনসিটিউট সাংবাদিকদের জন্য বিভিন্ন বিষয়ের ওপর প্রশিক্ষণের ব্যবস্থা করে থাকে। সাংবাদিকদেরও তামাক নিয়ন্ত্রণ বিষয়ে সুস্পষ্ট ধারণা থাকা প্রয়োজন। তাহলে সব ধরনের মিডিয়ায় এ বিষয়ক যথাযথ তথ্য তারা তুলে ধরতে পারেন। তাই সংবাদিকদের জন্য প্রণীত প্রশিক্ষণ কারিকুলামে তামাক নিয়ন্ত্রণ বিষয়টি অন্তর্ভুক্ত করা হবে।



কর্মশালায় মূল বক্তব্য প্রদান করেন জাতীয় তামাক নিয়ন্ত্রণ সেলের সমন্বয়কারী আমিন-উল-আহসান। কর্মশালা পরিচালনা করেন ঢাকা আহচানিয়া মিশনের প্রকল্প সমন্বয়কারী জাহিদ ইকবাল। এছাড়া আরো বক্তব্য দেন ডাঃ সোহেল রেজা চৌধুরী, প্রফেসর ও হেড, ডিপার্টমেন্ট অফ এপিডেমিওলজি এন্ড রিসার্চ, ন্যাশনাল হার্ট ফাউন্ডেশন।

ধর্ম মন্ত্রণালয়ে ধূমপান বিরোধী গোলটেবিল বৈঠক

ধর্ম বিষয়ক মন্ত্রণালয় ও ঢাকা আহচানিয়া মিশনের যৌথ উদ্যোগে ২২ জুলাই গোলটেবিল বৈঠকের আয়োজন করা হয়। সভায় মন্ত্রণালয়ের যুগ্ম সচিব মোঃ শহিদুজ্জামানের সভাপতিত্বে উর্ধ্বতন কর্মকর্তা এবং মন্ত্রণালয়ের অধীন প্রতিষ্ঠানসমূহের প্রধানগণ অংশগ্রহণ করেন। সভাপতির বক্তব্যে যুগ্ম সচিব মোঃ শহিদুজ্জামান বলেন, ধূমপান ও তামাক নিয়ন্ত্রণে প্রয়োজন ব্যাপক সচেতনতা। আর এই সচেতনতা বৃদ্ধিতে বিভিন্ন ধর্মীয় প্রতিষ্ঠানের প্রতিনিধিরা, বিশেষ করে মসজিদের ইমামগণ গুরুত্বপূর্ণ ভূমিকা পালন করতে পারেন।

এ সময় ধর্ম মন্ত্রণালয়ের অধীন সব প্রতিষ্ঠানকে ধূমপানমুক্ত রাখা এবং ধূমপান ও তামাক নিয়ন্ত্রণে তথ্য প্রচারের নির্দেশনা দেন তিনি।



স্বাস্থ্যসেবা উন্নয়নে সাংবাদিকদের দক্ষতা বৃদ্ধিমূলক প্রশিক্ষণ



ওয়াইডলাইনিং কনফারেন্স রুমে প্রিন্ট, অনলাইন ও ইলেক্ট্রনিক মিডিয়ার সংবাদিকদের দক্ষতা বৃদ্ধিমূলক প্রশিক্ষণের আয়োজন করা হয়েছে। সেভ দ্য চিলড্রেনের এভরি ওয়ান ক্যাম্পেইন প্রকল্পের সহযোগিতায় স্বাস্থ্যসেবা উন্নয়নে ঢাকা আহচানিয়া মিশনের আয়োজনে ২১ জুন এই প্রশিক্ষণের আয়োজন করা হয়। প্রশিক্ষণটি পরিচালনা করেন সেভ দ্য চিলড্রেনের স্বাস্থ্য ও পুষ্টি প্রকল্পের পরিচালক ডা. গোলাম মোতাবিব, বাংলা ভিশনের সিনিয়র নিউজ এডিটর মাসুদ কামাল, দৈনিক প্রথম আলোর বিশেষ সংবাদদাতা শিশির মোড়ল, ঢাকা আহচানিয়া মিশনের জনসংযোগ বিভাগের পরিচালক কাজী আলী রেজা এবং ঢাকা আহচানিয়া মিশনের উপ-পরিচালক ইকবাল মাসুদ। প্রশিক্ষণের শুরুতে মা ও শিশু স্বাস্থ্যের ওপর ভিড়ও প্রদর্শন করেন তাসকিন আহমেদ। প্রশিক্ষণে বিভিন্ন মিডিয়ার ২৮ জন সংবাদিক অংশগ্রহণ করেন।

সম্পাদকীয়

বর্তমান সময়ে সামাজিক সকল উদ্যোগে গণমাধ্যম অনেক বড় ভূমিকা পালন করে আসছে। কারণ গণমাধ্যম এখন শুধুমাত্র প্রচার প্রচারণার ক্ষেত্রেই ভূমিকা রাখছে না, সমাজের সমস্যাগুলোকে দূর করতে বিভিন্ন কার্যক্রমে নিজেদের সক্রিয় অংশগ্রহণের মাধ্যমেও ভূমিকা রেখে চলেছে। আর গণমাধ্যম কর্মীদের অংশগ্রহণকে এই সক্রিয় অংশগ্রহণ জনসচেতনতা তৈরিতে অনেক বেশি ভূমিকা রাখছে। ঢাকা আহচানিয়া মিশন- আমিক সবসময় তাদের সকল কার্যক্রমে গণমাধ্যম কর্মীদের গুরুত্ব দিয়ে আসছে। আমিক ১৯৯০ সাল থেকে মাদক, এইচআইভি এবং এইডস, তামাক ও ধূমপান নিয়ন্ত্রণে এবং ২০১৩ সাল থেকে স্বাস্থ্য সেবা উন্নয়নে কাজ করছে। আমিক তাদের কার্যক্রমকে আরো বেশি ভালোভাবে জনগণের মাঝে তুলে ধরতে বিভিন্ন সময়ে গণমাধ্যম কর্মীদের নিয়ে বিভিন্ন সংবাদ সম্মেলন, কর্মশালা ও প্রশিক্ষণের আয়োজন করে। স্বাস্থ্যসেবা উন্নয়নে কুমিল্লা ও ঢাকার উন্নত সিটি কর্পোরেশনের সাথে এবং বরিশালের পটুয়াখালীর শিয়ালীতে নিজস্ব বিভিন্ন-এ হক বুলু হাসপাতালের মাধ্যমে নিয়মিত স্বাস্থ্যসেবা দিয়ে আসছে- যেখানে স্বল্প খরচে মা ও শিশু স্বাস্থ্যসেবা, স্বল্প খরচে প্যাথলজিকাল সেবা পাচ্ছে, এছাড়া উন্নতায় যক্ষা রোগীদের চিকিৎসা সেবা দেয়া হয়। উচ্চ সেবা কার্যক্রমের আওতায় বিভিন্ন জাতীয় দিবস উদ্যাপন, ফ্রি-মেডিকেল ক্যাম্প, যক্ষা নিয়ন্ত্রণ বিষয়ক বিভিন্ন ওরিয়েটেশন কার্যক্রমের মাধ্যমে সকল স্তরে সেবাগুলো সম্পর্কে সচেতনতা তৈরি এবং সর্বোপরি তথ্য পৌছানোর সুযোগ সৃষ্টি হয়। এর পাশাপাশি এইচআইভি এবং এইডস প্রতিরোধ কার্যক্রম এ বিভিন্ন মন্ত্রণালয়ের উন্নত কর্মকর্তাদের সাথে নতী নির্ধারনী বিষয়ে নিয়মিত এডভোকেসি কর্মশালা অনুষ্ঠিত হচ্ছে। মাদক প্রতিরোধ কার্যক্রমে পুরুষ ও মহিলা মাদকাসক্তির চিকিৎসা সেবা দেয়ার পাশাপাশি জিআইজেড- আইআরএসওপি প্রকল্পের আওতায় মাদকাসক্ত থাকা কারাবন্দীদের জন্য বিভিন্ন দক্ষতামূলক প্রশিক্ষণ আয়োজন করা হচ্ছে।

আমিকদাম

৫ম বর্ষ ■ ১৪ সংখ্যা ■ জুলাই- সেপ্টেম্বর ২০১৪

সম্পাদক
কাজী রফিকুল আলম

নির্বাহী সম্পাদক
ইকবাল মাসুদ

পরিমার্জন ও গ্রন্থনা
লুৎফুন নাহার তিথি

কম্পিউটার প্রাফিক্স
সেকান্দার আলী খান

অবৈধ বিজ্ঞাপন প্রচার বন্ধে ভ্রাম্যমাণ আদালত



ধূমপান ও তামাকজাত দ্রব্য ব্যবহার নিয়ন্ত্রণ (সংশোধন) আইন-২০১৩ অনুসারে তামাকজাত দ্রব্যের ওপর প্রচার-প্রচারণা নিষিদ্ধ করা হয়েছে। কিন্তু কোম্পানিগুলো ধূমপানে আকৃষ্ট করতে অভিনব কোশলে বিজ্ঞাপন প্রচার করে যাচ্ছে। ঢাকা মহানগরীকে ধূমপানযুক্ত ও স্বাস্থ্যসম্মত পরিবেশ উন্নয়নে ঢাকা আহচানিয়া মিশন কাজ করে যাচ্ছে। এর অংশ হিসেবে ঢাকা জেলা প্রশাসককে উন্নুন্দকরণের মাধ্যমে মহানগরীর বিভিন্ন স্থানে ভ্রাম্যমাণ আদালত পরিচালনায় সহায়তা করে যাচ্ছে। এরই ধারাবাহিকতায় তামাকজাত দ্রব্য নিয়ন্ত্রণে ৩০ সেপ্টেম্বর মিরপুর-২ এলাকায় ভ্রাম্যমাণ আদালত পরিচালিত হয়। এর নেতৃত্বে দেন ঢাকা জেলা প্রশাসক কার্যালয়ের নির্বাহী ম্যাজিস্ট্রেট মোসাম্মৎ রহিমা আজগার। এ সময় তাকে সহায়তায় করে মিরপুর মডেল থানা পুলিশ।

প্রিম সুপার সপ: তামাক নিয়ন্ত্রণ আইন লঙ্ঘন করে পুনরায় ব্রিটিশ আমেরিকান টোব্যাকোর সিগারেট বেনসন ব্রান্ডের বিজ্ঞাপন প্রচার করে। এ জন্য প্রিম সুপার সপকে ১ লাখ ৫০ হাজার টাকা জরিমানা করা হয়।

গাজী জেনারেল স্টের: ঢাকা টোব্যাকোর সিগারেট মালবোরো ব্রান্ডের বিজ্ঞাপন পুনরায় প্রচারের জন্য গাজী জেনারেল স্টেরকে জরিমানা করা হয় ৩৫ হাজার টাকা।

ছোট টৎ দোকান: একটি ছোট টৎ দোকান মালিককে ১ হাজার টাকা জরিমানা করা হয়। একই সঙ্গে অন্যান্য দোকানি঱া যেন পুনরায় তামাকজাত দ্রব্যের বিজ্ঞাপন প্রচার না করে, সেজন্য নির্বাহী ম্যাজিস্ট্রেট তাদেরও সতর্ক করেন।

মাদককে সব সময়ই না



এই কেন্দ্রে নারী রোগীদের শারীরিক ও মানসিক শিক্ষাসহ ও দীর্ঘমেয়াদী আধুনিক ও পুনর্বাসনের প্রাণাপনি সর্বিক সিদ্ধান্ত এইগ, পরিবারের সদস্যদের সাথে সম্পর্ক উন্নয়ন ও মানসিক উৎকর্ষতা সাধনের লক্ষ্যে সেবা প্রদান করা হয়।

নারী মাদকাসক্তি চিকিৎসা ও পুনর্বাসন কেন্দ্র

(আমিক-ঢাকা আহচানিয়া মিশন কর্তৃক পরিচালিত)

তর্তির জন্য যোগাযোগ করুন

১০/২ ইকবাল রোড, বক-এ, মোহাম্মদপুর, ঢাকা
ফোন: ৫৮১৫১১১৪ মোবাইল: ০১৭৮৮৪৭৫৫২৩
E-mail: amic.dam@gmail.com, www.amic.org.bd



ডিসিসি'র অফিসসমূহে ধূমপান মুক্তকরণ নির্দেশিকা বাস্তবায়নে ওরিয়েন্টেশন সভা অনুষ্ঠিত



ঢাকা আহচানিয়া মিশন ঢাকার দুই সিটি কর্পোরেশনের সাথে তাদের আঞ্চলিক অফিসসমূহ ধূমপানমুক্তকরণ নির্দেশিকা বাস্তবায়নের কাজ করছে। এই ধারাবাহিকতায় ঢাকা দক্ষিণ সিটি কর্পোরেশনের (ডিএসসিসি) বিভিন্ন আঞ্চলিক অফিসসমূহে ধূমপান মুক্তকরণ নির্দেশিকা বাস্তবায়নে নিয়মিত ওরিয়েন্টেশন সভা অনুষ্ঠিত হচ্ছে।

ডিএসসিসি ও ঢাকা আহচানিয়া মিশনের উদ্যোগে এই সভা অনুষ্ঠিত হয়। পর্যায়ক্রমে অনুষ্ঠিত সভায় সভাপতিত্ব করেন অঞ্চল-৪ এর নির্বাহী কর্মকর্তা মোঃ খালেদ পারভেজ খান, অঞ্চল-১ এর নির্বাহী কর্মকর্তা শাহিনা খাতুন, অঞ্চল-৩ এর নির্বাহী কর্মকর্তা মোঃ নিজাম উদ্দিন, অঞ্চল-২ এর নির্বাহী কর্মকর্তা শাহনেওয়াজ দিলখবা খান এবং অঞ্চল-৫ এর নির্বাহী কর্মকর্তা বিজয় কৃষ্ণ দেবনাথ। ওরিয়েন্টেশন সভাগুলো অঞ্চলগুলোর সভাকক্ষে ১৪ জুলাই অঞ্চল-৪, ১৬ জুলাই অঞ্চল-১, ২৪ আগস্ট অঞ্চল-৩, ১০ সেপ্টেম্বর অঞ্চল-২ এবং ২৫ সেপ্টেম্বর অঞ্চল-৫ এ অনুষ্ঠিত হয়।

অপর দিকে ঢাকা উত্তর সিটি কর্পোরেশন (ডিএনসিসি) ও ঢাকা আহচানিয়া মিশনের উদ্যোগে ১৫ জুলাই ডিএনসিসি অঞ্চল-১ এবং ১৬ সেপ্টেম্বর অঞ্চল-৫ এর সেমিনারকক্ষে ধূমপান মুক্তকরণ নির্দেশিকা বাস্তবায়ন বিষয়ক ওরিয়েন্টেশন সভা অনুষ্ঠিত হয়।

পর্যায়ক্রমে অনুষ্ঠিত সভায় সভাপতিত্ব করেন ডিএনসিসি অঞ্চল-১ এর আঞ্চলিক নির্বাহী কর্মকর্তা মোঃ শাহ আলম, অঞ্চল-৫ এর আঞ্চলিক নির্বাহী কর্মকর্তা প্রশংসন কুমার ঘোষ। এসব সভায় অঞ্চলগুলোর কর্মকর্তা এবং এর আওতায় ওয়ার্ড সচিব এবং স্বাস্থ্য পরিদর্শকগণ উপস্থিত ছিলেন।

সভায় সিদ্ধান্ত হয়, অঞ্চলগুলোর সব ধরনের প্রোগ্রামে ধূমপান ও তামাক বিষয়ে ভিডিওচিত্র প্রদর্শন এবং পোস্টার, লিফলেট বিতরণ করা হবে। সমন্বয় সভায় কার্যক্রমের ফলোআপ করাসহ অঞ্চলগুলোর আওতাভুক্ত বিলবোর্ডে প্রকাশ করা হবে ধূমপান বিরোধী বার্তা।

ধূমপানমুক্ত পরিবেশ, অধিক সন্তুষ্টি, অর্থ বেশ

ধূমপান ও তামাক নিয়ন্ত্রণ আইন অনুযায়ী

সকল রেষ্টোরাঁ ধূমপানমুক্ত



NO SMOKING

→ পাবলিক প্লেসে ধূমপানমুক্ত সাইনেজ/ সতর্কতামূলক নোটিশ প্রদর্শন না করলে উক্ত পাবলিক প্লেসের মালিক, তত্ত্ববধায়ক, নিয়ন্ত্রণকারী ব্যক্তি বা ব্যবস্থাপক অনধিক ১০০০ টাকা অর্থদণ্ডে দণ্ডিত হবেন

নাগরিক ফোরামের তামাকবিরোধী জনসচেতনতামূলক কর্মসূচি

ঢাকা আহচানিয়া মিশন তামাকবিরোধী কার্যক্রমের আওতায় ঢাকা মহানগরীর সুশীল সমাজের প্রতিনিধিদের নিয়ে নাগরিক ফোরাম গঠন করেছে। এর মাধ্যমে ধূমপানবিরোধী জনসচেতনতা সৃষ্টিতে নিয়মিত কাজ করে যাচ্ছে।



কার্যক্রমের ধারাবাহিকতায় নাগরিক ফোরাম-৬ এর উদ্যোগে ২৯ সেপ্টেম্বর সদরঘাট লক্ষ্ম টার্মিনালে তামাকবিরোধী প্রচারণা অভিযান পরিচালনা করা হয়। লক্ষ্মঘাটে অবস্থানরত সব পরিবহণে স্টিকার স্টার্টাপো এবং যাত্রী, চালক ও কর্মীদের মাঝে ধূমপানের ক্ষতিকর দিক সম্বলিত লিফলেট বিতরণ করা হয়। একই সঙ্গে চলন্ত অবস্থায় লক্ষ্মে ধূমপান থেকে বিরত থাকতে সচেতন করা হয়। এ কার্যক্রমে উপস্থিত ছিলেন নাগরিক ফোরাম-৬ এর আহ্বায়ক এম মামুন হোসাইন এবং অন্যান্য সদস্যরা।

রাজধানীর পরিবহনে ধূমপান বিরোধী বার্তা প্রচার



ঢাকা মহানগরীতে জনসাধারণের মাঝে ধূমপানের প্রত্যক্ষ ও পরোক্ষ ক্ষতি এবং এ বিষয়ক আইন সম্পর্কে সচেতন করার লক্ষ্যে ঢাকা আহচানিয়া মিশন রাজধানীতে চলাচলকারী যাত্রী বাসে ধূমপান বিরোধী বার্তা প্রচার করছে। এলক্ষে ১২ সেপ্টেম্বর মোহাম্মদপুর থেকে বাড়া পর্যন্ত চলাচলকারী ওয়ান লাইন নামের বাসে ধূমপানের প্রত্যক্ষ ও পরোক্ষ ক্ষতি সম্পর্কিত সচিত্র তথ্য সন্নিবেশ করা হয়েছে।

এভরি ওয়ান ক্যাম্পেইন প্রকল্পের ইকো ট্রেনিং



নিউমোনিয়া, ডায়ারিয়া ও নবজাতক শিশুদের বুকিপূর্ণ রোগ নিয়ে সচেতনতা সৃষ্টিতে আমিক-ঢাকা আহ্ছানিয়া মিশন এভরি ওয়ান ক্যাম্পেইন প্রকল্পের উদ্যোগে বিভিন্ন জেলায় কর্মসূচি গ্রহণ করেছে।

বারিশাল: জেলার মুলাদী উপজেলায় ১৬ থেকে ১৮ সেপ্টেম্বর প্রতিদিন অর্ধদিবস 'ইকো ট্রেনিং ফর পিয়ারস' শীর্ষক প্রশিক্ষণের আয়োজন করা হয়। উপজেলার কাজীরচর মাধ্যমিক বিদ্যালয়ে এই প্রশিক্ষণ অনুষ্ঠিত হয়। প্রশিক্ষণ উদ্বোধন করেন বিদ্যালয়ের ভারপ্রাপ্ত প্রধান শিক্ষক হাসিনা পারভীন। সহায়ক ছিলেন ওই বিদ্যালয়ের প্রশিক্ষণপ্রাপ্ত ৩ জন ইয়োথ লিডারস মেহেদী হাসান, শাকিল ও মেহেদী হাসান-২। প্রশিক্ষণটি সঞ্চালন করেন এভরি ওয়ান ক্যাম্পেইন প্রকল্পের জেলা সম্মিকারী মোঃ শফিকুল ইসলাম। প্রশিক্ষণে বিদ্যালয়ের ১৫০ জন ছাত্র-ছাত্রী উপস্থিত ছিল।

চট্টগ্রাম: জেলার সাতকানিয়া উপজেলার নলুয়া ডি এল কারণ উচ্চ বিদ্যালয় এবং ছদ্ম কেফায়েত উলাহ কবির আহমদ উচ্চ বিদ্যালয়ে ১৫-১৬ এবং ২০-২২ সেপ্টেম্বর প্রতিদিন অর্ধদিবস 'ইকো ট্রেনিং ফর পিয়ারস' প্রশিক্ষণের আয়োজন করা হয়। এতে উভয় বিদ্যালয়ের ৩১৭ জন ছাত্র-ছাত্রী উপস্থিত ছিল। প্রশিক্ষণ উদ্বোধন করেন উভয় স্কুলের প্রধান শিক্ষক। প্রশিক্ষণে সহায়ক ছিলেন স্কুলের প্রশিক্ষণপ্রাপ্ত ইয়োথ লিডাররা প্রশিক্ষণ দুটি সঞ্চালন করেন এভরি ওয়ান ক্যাম্পেইন প্রকল্পের জেলা সম্মিকারী মোঃ ইব্রাহিম খলীল।

মৌলভীবাজার: জেলার কুলাউড়া উপজেলার কুলাউড়া বালিকা উচ্চ বিদ্যালয়ের ৫০ জন ছাত্রাদের অংশগ্রহণে ১৪ সেপ্টেম্বর অর্ধদিবস 'ইকো ট্রেনিং ফর পিয়ারস' প্রশিক্ষণের আয়োজন করা হয়। প্রশিক্ষণ উদ্বোধন করেন স্কুলের সহকারী প্রধান শিক্ষক মোঃ জসিম উদ্দিন। সহায়ক ছিলেন একই স্কুলের ৩ জন ইয়োথ লিডারস নূসরাত জাহান ইভা, সোনিয়া আকতার ও সুমা আকতার। প্রশিক্ষণ সন্ধানের কাজে এভরি ওয়ান ক্যাম্পেইন প্রকল্পের জেলা সম্মিকারী মোঃ বজ্রুল রশিদ। এই প্রশিক্ষণের লক্ষ্য হলো ছাত্র-ছাত্রাদের দক্ষ করে নিজ নিজ এলাকায় তারা শিশুস্বাস্থ্য বিশেষ করে নিউমোনিয়া, ডায়ারিয়ায় আক্রান্ত শিশুরা যাতে চিকিৎসা সেবা পায় তা নিশ্চিত করা। এছাড়া গ্রামভিত্তিক সচেতনতা বাড়ানো, মায়ের স্বাস্থ্য সুরক্ষা ও সুষম খাবার এবং পানি ও বায়ুবাহিত বিভিন্ন রোগ নিয়ে সঠিক প্রচারণা চলাবে।

খেলাধূলার মাধ্যমে সচেতনতা সৃষ্টি



আন্তঃস্কুল ফুটবল প্রতিযোগিতা : আমিক-ঢাকা আহ্ছানিয়া মিশনের এভরি ওয়ান ক্যাম্পেইন প্রকল্পের উদ্যোগে ১৪ সেপ্টেম্বর মৌলভীবাজারের কুলাউড়া উপজেলার কুলাউড়া বালিকা উচ্চ বিদ্যালয়ে আন্তঃস্কুল ফুটবল প্রতিযোগিতার আয়োজন করা হয়। এই প্রতিযোগিতায় অংশগ্রহণ করে ওই স্কুলের ৯ম ও ১০ম শ্রেণির ছাত্রীরা। এতে ১০ম শ্রেণিকে ২-১ গোলে হারিয়ে ৯ম শ্রেণির দল প্রথম পুরস্কার জিতে নেয়। ফুটবল প্রতিযোগিতা উদ্বোধন ও পুরস্কার বিতরণ করেন উপজেলার কাদীপুর ইউপি চেয়ারম্যান একেএম শফি আহমেদ সলমন।



ম্যারাথন প্রতিযোগিতা: প্রতি বছর বিশের ৪০টিরও বেশি দেশে 'রেস ফর সারভাইভাল' অনুষ্ঠিত হয়। এর উদ্দেশ্য হলো প্রত্যন্ত অঞ্চলের একজন গর্ভবতী মায়ের শারীরিক সমস্যা সম্পর্কে সচেতনতা তৈরি করা। সে লক্ষ্যে ২৭ সেপ্টেম্বর মৌলভীবাজারের কুলাউড়া উপজেলার হিংগাজীয়া টি-বাগানের একজন গর্ভবতী মায়ের ঘর থেকে সরকারি সুযোগ-সুবিধা আছে এমন একটি ডেলিভারি সেন্টার বা কুলাউড়া উপজেলা স্বাস্থ্য কমপ্লেক্সে পৌছতে প্রায় দুই ঘণ্টা সময় লাগে এমন একটি জায়গা থেকে শুরু হয় 'রেস ফর সারভাইভাল' প্রতিযোগিতা। এতে ৮টি দলে অংশগ্রহণ করে নবীন চন্দ্র হাই স্কুল, জালালাবাদ হাই স্কুল, হিংগাজীয়া হাই স্কুল এবং কুলাউড়া বালিকা উচ্চ বিদ্যালয়ের ছাত্র-ছাত্রী, শিক্ষক-শিক্ষিকা ও এনজিও প্রতিনিধিগণ।

★ মাদকাসক্তি চিকিৎসা ও পুনর্বাসন
সম্পর্কে জানতে ভিজিট করুন...★
www.amic.org.bd

১০ অক্টোবর বিশ্ব মানসিক স্বাস্থ্য
দিবস এবং ১ ডিসেম্বর বিশ্ব এইডস
দিবস পালন করুন।

স্কুল ব্যবস্থাপনা কমিটি ও শিক্ষকদের সঙ্গে মতবিনিময় সভা

বরিশাল, চট্টগ্রাম ও মৌলভীবাজার জেলার বিভিন্ন উপজেলায় প্রাথমিক স্বাস্থ্যসেবা বিষয়ে সচেতনতা তৈরির লক্ষ্যে আমিক-ঢাকা আহ্ছানিয়া মিশন ‘এভরি ওয়ান ক্যাম্পেইন’ প্রকল্পের কার্যক্রমের মাধ্যমে বিভিন্ন কর্মসূচির আয়োজন করছে।

এর ধারাবাহিকতায় মা ও শিশু স্বাস্থ্যের ঝুঁকি ত্বাসে বিদ্যালয়ের শিক্ষক ও কমিটির সদস্যদের মাঝে সচেতনতা বাড়তে ২৪ অক্টোবর বরিশালের মূলাদী উপজেলায় গাছুয়া আবুল কাদের মাধ্যমিক বিদ্যালয়ের স্কুল ব্যবস্থাপনা কমিটি এবং শিক্ষকদের সঙ্গে মতবিনিময় সভার আয়োজন করা হয়। সভায় স্কুল কমিটির সভাপতি মোঃ মেহেদি হাসান এবং প্রধান শিক্ষক মোঃ জসিম উদ্দিন উপস্থিত ছিলেন। প্রধান শিক্ষক বলেন, আমাদের স্কুলে এ ধরনের হেলথ প্রোগ্রাম চালুর জন্য ঢাকা আহ্ছানিয়া মিশন এবং সেভ দ্য চিলড্রেনকে স্বাগত জানাই। এই কার্যক্রমে স্কুল কমিটি ও স্কুলের শিক্ষক-শিক্ষিকাগণকে সহযোগিতা করার আশাবাদ ব্যক্ত করেন তিনি। সভায় বিদ্যালয়ের শিক্ষক ও কমিটির সদস্যবৃন্দসহ মোট ৩০ জন উপস্থিত ছিলেন।

একই লক্ষ্যে চট্টগ্রামের সাতকানিয়া উপজেলায় ৫ সেপ্টেম্বর আমেলাইশ উচ্চ বিদ্যালয়ে স্কুল ম্যানেজমেন্ট কমিটি এবং শিক্ষকদের সঙ্গে মতবিনিময় সভার আয়োজন করা হয়। এর উদ্বোধন করেন কমিটির সভাপতি মোঃ সামসূল আলম। এতে সভাপতিত্ব করেন বিদ্যালয়ের সিনিয়র শিক্ষক প্রিয়তোষ দাস। এছাড়া বিদ্যালয়ের শিক্ষক ও কমিটির সদস্যবৃন্দসহ উপস্থিত ছিলেন ১৯ জন।

মৌলভীবাজার কুলাউড়া উপজেলার শ্রীপুর উচ্চ বিদ্যালয়ে স্কুল ম্যানেজমেন্ট কমিটি এবং শিক্ষকদের নিয়ে ১৩ সেপ্টেম্বর আরেকটি সভার আয়োজন করা হয়। সভা উদ্বোধন করেন স্কুলের প্রধান শিক্ষক মোঃ আব্দুল খালেক। সভায় উপস্থিত ছিলেন বিদ্যালয়ের শিক্ষক ও কমিটির সদস্যসহ ২১ জন প্রতিনিধি।

বিশ্ব জনসংখ্যা দিবস উদযাপন



‘তাঙ্গোর বিনিয়োগ আগামীর উন্নয়ন’ এই প্রতিপাদ্যে ঢাকা আহ্ছানিয়া মিশন-আমিক আরবান প্রাইমারি হেল্থ কেয়ার সার্ভিসেস ডেলিভারি প্রকল্প কুমিল্লা এবং রাজধানীর উত্তরায় ১১ জুলাই বিশ্ব জনসংখ্যা দিবস উদযাপিত হয়েছে। কুমিল্লা জেলা স্বাস্থ্য বিভাগের আয়োজনে এবং বিভিন্ন এনজিও’র সহযোগিতায় এ দিবস পালনের কর্মসূচিতে ছিল র্যালি ও আলোচনা সভা। র্যালি উদ্বোধন এবং আলোচনা সভায় প্রধান অতিথি ছিলেন কুমিল্লা সদরের জাতীয় সংসদ সদস্য আ ক হ ম বাহার উদ্দীন বাহার।



এছাড়া এ দিবস উপলক্ষে ঢাকা আহ্ছানিয়া মিশন পরিচালিত আরবান প্রাইমারি হেল্থ কেয়ার সার্ভিসেস ডেলিভারি প্রকল্প, ডিএনসি, পি-এ-৫ উত্তরায় সরকারের স্বাস্থ্য ও পরিবার কল্যাণ মন্ত্রণালয়ের আয়োজনে বিভিন্ন কর্মসূচি পালন করা হয়। এ উপলক্ষে র্যালি এবং স্টল উদ্বোধন করেন স্বাস্থ্য ও পরিবার কল্যাণমন্ত্রী মোহাম্মদ নাসিম।

অভিভাবক সভা অনুষ্ঠিত

আমিক-ঢাকা আহ্ছানিয়া মিশনের এভরি ওয়ান ক্যাম্পেইন প্রকল্পের উদ্যোগে ২৫, ২৭ ও ২৮ সেপ্টেম্বর পর্যায়ক্রমে বরিশালের মূলাদী উপজেলার চরকালেখা মাধ্যমিক বিদ্যালয়, চরলক্ষ্মীপুর মাধ্যমিক বিদ্যালয় এবং সৈয়দাদেরগাঁও মাধ্যমিক বিদ্যালয়ের প্রতিনিধি ও অভিভাবকদের সঙ্গে একজন গর্ভবতী মায়ের শারীরিক সমস্যা, শিশুর নিউমোনিয়া, ডায়ারিয়া ও নবজাতক শিশুর সমস্যা সম্পর্কে মতবিনিময় সভার আয়োজন করা হয়। সভায় প্রধান অতিথি ছিলেন বিদ্যালয়ের সমূহের প্রধান শিক্ষক। এতে উপস্থিত ছিলেন প্রত্যেক বিদ্যালয়ের শিক্ষক ও অভিভাবকগণ।

একই লক্ষ্যে ৬ সেপ্টেম্বর চট্টগ্রামের সাতকানিয়া উপজেলার নলুয়া দিজেন্ড্র লাল কারণ উচ্চ বিদ্যালয়ে এক অভিভাবক সভার আয়োজন করা হয়। সভায় প্রধান অতিথি ছিলেন বিদ্যালয়ের প্রধান শিক্ষক স্বপন চন্দ্র সাহা। অন্যান্যদের মধ্যে ছিলেন এলাকার গণ্যমান্য ব্যক্তিবর্গ ও অভিভাবকসহ ৮৩ জন।

যক্ষা নিয়ন্ত্রণ কার্যক্রম

নন-গ্রাজিয়েট ফার্মাসিস্টদের ওরিয়েন্টেশন : আমিক-ঢাকা আহ্ছানিয়া মিশনের যক্ষা নিয়ন্ত্রণ কার্যক্রমের আওতায় ৪ সেপ্টেম্বর আরবান প্রাইমারি হেল্থ কেয়ার সেন্টার-৫ এর কর্ম এলাকার ২৫ জন নন-গ্রাজিয়েট ফার্মাসিস্টদের নিয়ে যক্ষা নিয়ন্ত্রণের ওপর ওরিয়েন্টেশন সভার আয়োজন করা হয়।

সভায় ডা. নাহিদ ফারহানা নবী ডিএনসি, পি-এ-৫ এর ইএসপি কার্যক্রমের প্রাইমারি স্বাস্থ্যসেবা, ক্লিনিক পরিচিতি এবং সুলভ মূল্যে ডেলিভারি কার্যক্রম বিষয়ে আলোচনা করেন। এছাড়াও যক্ষা চিকিৎসা সম্পর্কিত ধারণা এবং যক্ষার সঙ্গে তামাকের সম্পর্ক নিয়েও আলোচনা করা হয়। ওরিয়েন্টেশন সভা পরিচালনা করেন ইউপিএইচসিএসডিপি, জিএফএটিএম, টিবি কন্ট্রোল প্রোগ্রামের মনিটরিং এবং ইভালুয়েশন অফিসার আমেনা খাতুন। সভায় উপস্থিত ছিলেন ব্র্যাকের সেন্ট্রেল স্পেশালিস্ট মোঃ আক্তার হোসেন।

গার্মেন্টস কর্মীদের ওরিয়েন্টেশন : আরবান প্রাইমারি হেল্থ কেয়ার সেন্টার-৩ এর কর্ম এলাকার দানিয়াল এন্টারপ্রাইজ গার্মেন্টস-এর ৫০ জন কর্মীকে নিয়ে ২৮ আগস্ট যক্ষা নিয়ন্ত্রণের ওপর ওরিয়েন্টেশন সভার বাকী অংশ ৬ষ্ঠ পৃষ্ঠায় দেখুন...

আয়োজন করা হয়। সভায় ইউপিএইচসিএসডিপি, জিএফএটিএম, টিবি কন্ট্রোল প্রোগ্রামের মনিটরিং এন্ড ইভান্যুয়েশন অফিসার আমেনা খাতুন ডিএনসিসি, পিএ-৫ এর ইএসপি কার্যক্রমের প্রাইমারি স্বাস্থ্যসেবা, ক্লিনিক পরিচিতি এবং সুলভ মূল্যে ডেলিভারি কার্যক্রম নিয়ে আলোচনা করেন। পিএইচসিসি-৩ এর ফিজিশিয়ান ডাঃ দিলরুবা ইসলাম যক্ষা নিয়ন্ত্রণে সরকারের লক্ষ্য-উদ্দেশ্য সম্পর্কে অংশগ্রহণকারীদের করণীয় নিয়ে এবং ব্র্যাকের সেক্টর স্পেশালিস্ট মোঃ আকতার হোসেন ফুসফুস বিহুর্ভূত যক্ষা ও স্যোসাল সাপোর্ট নিয়ে আলোচনা করেন।

ইনফেকশন প্রিভিনশন বিষয়ক কর্মী প্রশিক্ষণ

আমিক-ঢাকা আহচানিয়া মিশন আরবান প্রাইমারি হেল্থ কেয়ার সার্ভিসেস ডেলিভারি প্রকল্পের উদ্যোগে ২৫ আগস্ট রাজধানীর উত্তরায় ডিএনসিসি পিএ-৫ এর পিএইচসিসি-২ এ অনুষ্ঠিত হয়েছে ইনফেকশন প্রিভিনশন বিষয়ক প্রশিক্ষণ। প্রশিক্ষণে অংশগ্রহণ করেন প্রকল্পের ফিজিশিয়ান, নার্স, প্যারামেডিক্স এবং ক্লিনিক এইডগণ। প্রশিক্ষণ পরিচালনা করেন ইউপিএইচসিএসডিপি'র ডিপিডি (সার্ভিস ডেলিভারি) ডাঃ শারমীন মিজান।

বিএমইটি'র প্রশিক্ষণ কেন্দ্রে পরিচালিত প্রশিক্ষণে এইচআইভি এবং এইডস বিষয়ক তথ্য দেবে



জনশক্তি কর্মসংস্থান ও প্রশিক্ষণ ব্যূরোর (বিএমইটি) ব্যবস্থাপনা পরিচালক বলেছেন, বিএমইটি অধীন বিদেশগামী ব্যক্তিদের প্রতিটি প্রশিক্ষণে এইচআইভি এবং এইডস এর বিষয়ে তথ্য দেয়া হবে। বাংলাদেশ কোরিয়া প্রশিক্ষণ কেন্দ্রের সম্মেলন কক্ষে ৩০ আগস্ট আয়োজিত এডভোকেসি কর্মশালায় তিনি একথা বলেন। সেভ দ্য চিল্ড্রেনের গ্লোবাল ফাউন্ডেশনের ম্যানেজার মাসুদ, সেভ দ্য চিল্ড্রেনের সিনিয়র প্রোগ্রাম ম্যানেজার সাখাওয়াৎ আলম, ম্যানেজার এডভোকেসি এন্ড কমিউনিকেশন মোস্তাফিজুর রহমান এবং এডভোকেসি ম্যানেজার মোরশেদ বিলাল খান। অনুষ্ঠানটি পরিচালনা করেন শ্রম ও কর্মসংস্থান মন্ত্রণালয়ের যুগ্ম সচিব খোন্দকার মোসতান হোসেন। সভায় শ্রম ও কর্মসংস্থান মন্ত্রণালয়ের উপ-সচিব, যুগ্ম সচিব, সিনিয়র সহকারী সচিব ও মন্ত্রণালয়ের অধীন বিভিন্ন প্রতিষ্ঠান অর্থ, আইন ও বিচার বিভাগ, লেজিসলেটিভ ও সংসদ বিষয়ক, স্বাস্থ্য ও পরিবার কল্যাণ, তথ্য, শিক্ষা, সমাজকল্যাণ, ধর্ম, স্বরাষ্ট্র, গৃহায়ণ ও গণপূর্ত, পলী উন্নয়ন ও সমবায় বিভাগ, বেসামরিক বিমান ও পর্যটন, সংস্কৃতি বিষয়ক মন্ত্রণালয়সহ ১৯টি মন্ত্রণালয়ের ফোকাল পার্সনগণ এবং এতে এইচআইভি এবং এইডস নিয়ে কাজ করছে এমন সংস্থার প্রতিনিধিসহ ৫০ জন প্রতিনিধি অংশগ্রহণ করেন।

বিভিন্ন মন্ত্রণালয়ের ফোকাল পার্সনদের সঙ্গে এইচআইভি এবং এইডস বিষয়ক সভা



শ্রম ও কর্মসংস্থান মন্ত্রণালয়ের সভাকক্ষে বিভিন্ন মন্ত্রণালয়ের ফোকাল পার্সনদের সঙ্গে এইচআইভি এবং এইডস বিষয়ক উচ্চপর্যায়ের এডভোকেসি সভা অনুষ্ঠিত হয়। ১৭ সেপ্টেম্বর অনুষ্ঠিত সভায় সভাপতিত্ব করেন শ্রম ও কর্মসংস্থান মন্ত্রণালয়ের সচিব মিকাইল শিপার। সেভ দ্য চিল্ড্রেনের গ্লোবাল ফাউন্ডেশনের ম্যানেজার মাসুদ, সেভ দ্য চিল্ড্রেনের সিনিয়র প্রোগ্রাম ম্যানেজার ম্যানেজার মোসতান হোসেন এবং এডভোকেসি ম্যানেজার মোরশেদ বিলাল খান। অনুষ্ঠানটি পরিচালনা করেন শ্রম ও কর্মসংস্থান মন্ত্রণালয়ের যুগ্ম সচিব খোন্দকার মোসতান হোসেন। সভায় শ্রম ও কর্মসংস্থান মন্ত্রণালয়ের উপ-সচিব, যুগ্ম সচিব, সিনিয়র সহকারী সচিব ও মন্ত্রণালয়ের অধীন বিভিন্ন প্রতিষ্ঠান অর্থ, আইন ও বিচার বিভাগ, লেজিসলেটিভ ও সংসদ বিষয়ক, স্বাস্থ্য ও পরিবার কল্যাণ, তথ্য, শিক্ষা, সমাজকল্যাণ, ধর্ম, স্বরাষ্ট্র, গৃহায়ণ ও গণপূর্ত, পলী উন্নয়ন ও সমবায় বিভাগ, বেসামরিক বিমান ও পর্যটন, সংস্কৃতি বিষয়ক মন্ত্রণালয়সহ ১৯টি মন্ত্রণালয়ের ফোকাল পার্সনগণ এবং এতে এইচআইভি এবং এইডস নিয়ে কাজ করছে এমন সংস্থার প্রতিনিধিসহ ৫০ জন প্রতিনিধি অংশগ্রহণ করেন।

শ্রম পরিদপ্তরের সাথে এইচআইভি এবং এইডস প্রতিরোধ বিষয়ক এডভোকেসি কর্মশালা



ঢাকা আহচানিয়া মিশন ও শ্রম পরিদপ্তরের যৌথ আয়োজনে এইচআইভি এবং এইডস প্রতিরোধ বিষয়ক এডভোকেসি কর্মশালা অনুষ্ঠিত হয়েছে।

বাকী অংশ ৭ম পৃষ্ঠায় দেখুন...

আমিক-এর সেভ দ্য চিল্ড্রেন-এর গোবাল ফাউন্ডেশন, ফেজ-২ প্রকল্পের সহযোগিতায় ২৪ সেপ্টেম্বর এই কর্মশালা অনুষ্ঠিত হয়। এতে শ্রম পরিদপ্তরের ব্যবস্থাপনা পরিচালক (যুগ্ম সচিব) এস এম আশরাফুজ্জামান সভাপতিত্ব করেন। তিনি বলেন, শ্রম পরিদপ্তরের বিভাগীয় ও জেলা পর্যায়ের প্রতিষ্ঠানে এ বিষয়ে তথ্য প্রদান এবং প্রতিটি প্রশিক্ষণে এইচআইভি এবং এইডস বিষয়ক তথ্য অন্তর্ভুক্ত করবে। অনুষ্ঠানটি পরিচালনা করেন, শ্রম পরিদপ্তরের উপ-পরিচালক মোঃ খুরশীদুল হক ভূঁইয়া। সভায় শ্রম পরিদপ্তরের অতিরিক্ত ব্যবস্থাপক (উপ-সচিব), উপ-ব্যবস্থাপক, সকল সহকারী-মহাব্যবস্থাপক, ব্যবস্থাপক, উপ-ব্যবস্থাপক, সহকারী ব্যবস্থাপক এবং ওই প্রতিষ্ঠানের বিভিন্ন জেলার শ্রমকল্যাণ সংগঠকসহ, এনজিও প্রতিনিধি সহ ৬০ জন প্রতিনিধি অংশগ্রহণ করেন।

হোপ ক্লাবের ঈদ পুনর্মিলনী অনুষ্ঠান

২০১১সালের ১ জানুয়ারি রিকোভারীদের সংগঠন ‘হোপ ক্লাব’ আত্ম-প্রকাশের পর সংগঠনের সদস্যগণ গাজীপুর কেন্দ্র ও কেন্দ্রের বাইরে বিভিন্ন কার্যক্রম চালিয়ে আসছে। রিকোভারী গেট-টুগেদার আয়োজন, মিটিং পরিচালনা, সেমিনার সভায় অংশগ্রহণ, র্যালী ও মানববন্ধনে অংশগ্রহণ শীতার্থদের মাঝে শীতবন্ধ বিতরণসহ বেশ কয়েকটি কনভেনশনে অংশগ্রহণ ও ডে-ভিসিল আয়োজন করে। ইতিমধ্যেই হোপক্লাব রিকোভারীদের সহযোগীতার জন্য গুরুত্বপূর্ণ প্লাটফর্ম হিসেবে তাদের কার্যক্রম চালিয়ে যাচ্ছে।

১৫ আগস্ট হোপক্লাব সদস্যরা তাদের কার্যক্রম আরও গতিশীল করতে ঈদ পুনর্মিলনী অনুষ্ঠানের আয়োজন করে করে। মীর সাইফুল আলম কাজল (আহবায়ক) ফারক হোসেন (যুগ্ম আহবায়ক) সহ প্রায় ৪০ জন রিকোভারীর উপস্থিতিতে তাদের শ্যামলীর কার্যালয়ে দিনব্যাপী আলোচনা, শেয়ারিং ও মধ্যহত্তোজের আয়োজন করে। পুনর্মিলনী অনুষ্ঠানে হোপ ক্লাব আহবায়ক কাজল ভাইয়ের ১১তম ক্লিন-বার্থডে কেক কেটে উদ্ঘাপন করা হয়।

পারিবারিক বনায়ন কর্মসূচি ও সাংস্কৃতিক অনুষ্ঠান



আমিক-এর গাজীপুর সেন্টারে ৩০ আগস্ট পারিবারিক বনায়ন উপলক্ষে গাছের চারা বিতরণ কর্মসূচি অনুষ্ঠিত হয়। আমিক ও লায়ন্স ক্লাব ঢাকা ওয়েসিস আয়োজিত এই অনুষ্ঠানে স্থানীয় জনসাধারণের মাঝে ঢটি করে গাছের চারা বিনামূল্যে বিতরণ করা হয়। অনুষ্ঠানে আমিক সেন্টারের রোগীদের পরিবেশনায় রাজশাহীর জনপ্রিয় গঞ্জীরা ও সচেতনামূলক নাটক মঞ্চস্থ হয়। ঢাকা আহচানিয়া মিশনের উপ-পরিচালক ইকবাল মাসুদের সঞ্চালনায় এতে বক্তব্য দেন লায়ন্স ক্লাবের উর্ধ্বতন প্রতিনিধি ও গাজীপুর সিটি করপোরেশনের কাউন্সিলর সবদের হাসান। অনুষ্ঠানের পরিকল্পনা ও নির্দেশনায় ছিলেন মীর সাইফুল আলম কাজল।

যশোর কেন্দ্রে পারিবারিক সভা অনুষ্ঠিত



আমিক-ঢাকা আহচানিয়া মিশন মাদকাসক্তির চিকিৎসার পাশাপাশি বিভিন্ন ধরনের সেবা প্রদান করে আসছে। এসব সেবা আরো কার্যকর করতে এবং চিকিৎসাপ্রাণী মাদকাসক্ত পরিবারের সদস্যদের নিয়ে নিয়মিত পারিবারিক সভার আয়োজন করা হয়। সভায় চিকিৎসাপ্রাণী ব্যক্তিদের সুস্থতা ধরে রাখতে পরিবারের সদস্যদের মধ্যে অভিজ্ঞতা বিনিময় হয়ে থাকে। এরই ধারাবাহিকতায় ঢাকা আহচানিয়া মিশন যশোরের মাদকাসক্ত চিকিৎসা ও পুনর্বাসন কেন্দ্রে ২২ আগস্ট পারিবারিক সভা অনুষ্ঠিত হয়। এতে ৪০টি পরিবারের পক্ষ থেকে ৬৫ জন সদস্য অংশগ্রহণ করেন।

সভায় রোগীকে চিকিৎসা পরবর্তীকালে একজন অভিভাবকের কর্তব্য ও করণীয় সম্পর্কে বিভিন্ন এবং নার্কোটেক ড্রাগসের পরিচিতি, এডিকশন ও এডিকশন ম্যানেজমেন্ট, বিষয়ে আলোচনা করা হয়। এই কেন্দ্র থেকে চিকিৎসা নিয়ে দীর্ঘদিন সুস্থ আছেন এমন দু'জন রিকভারি তাদের সুস্থ জীবনের অভিজ্ঞতা শেয়ার করেন।

‘আমিক’ কার্যক্রম ও সেন্টার পরিদর্শনে ইউএস স্টেট ডিপার্টমেন্টের প্রতিনিধিরা



মাদকের চাহিদাহ্রাস কার্যক্রমের জন্য বিশ্বব্যাপী অনেক ধরনের উদ্যোগ ও কাজ চলছে। এগুলোর মধ্যে চিকিৎসা ও পুনর্বাসন অন্যতম। বাংলাদেশেও মাদক সংক্রান্ত বিষয়ে সচেতনতা, চিকিৎসা, পুনর্বাসন ও স্বল্প পরিসেরে প্রশিক্ষণ কার্যক্রম পরিচালিত হয়ে আসছে। বিশেষ করে শিশু-কিশোর মাদকাসক্তদের চিকিৎসা ও পুনর্বাসন এবং তাদের জন্য নিয়োজিত পেশাদারদের প্রশিক্ষণ ও ম্যানুয়াল প্রয়োজন করা প্রয়োজন। এসব বিষয়ে সরেজমিন পরিদর্শন ও পর্যালোচনার জন্য ইউএস স্টেট ডিপার্টমেন্টের ‘ব্যরো অব ইন্টারন্যাশনাল নারকোটিকস এন্ড ল’ এনফোর্সমেন্ট এফেয়ার্স’-এর প্রতিনিধি সারাহ মিয়েলকি এবং মেলিসা হাবেডাক্ষ আগস্ট মাসের প্রথম সপ্তাহে বাংলাদেশ সফর করেন। ২ আগস্ট প্রতিনিধিরা ঢাকার

বাঁশবাড়িতে শিশুদের দ্রুপ ইন সেন্টার পরিদর্শন শেষে আমিকের ফিমেল সেন্টার পরিদর্শন করেন। এসময় তারা মেয়েদের মাদক সংক্রান্ত বিষয় ও চিকিৎসা নিয়ে আলোচনা করেন। এরপর তারা গাজীপুর সেন্টার পরিদর্শন করেন। সেখানে চিকিৎসা ব্যবস্থা, সেবার মান, ইচ্ছাইভি পরীক্ষার ল্যাব এবং রোগীদের জন্য ব্যবহৃত ফাইলিং ব্যবস্থা দেখে সন্তুষ্টি প্রকাশ করেন। তারা গাজীপুর সেন্টারের কর্মীদের সঙ্গে শিশুদের জন্য মাদক চিকিৎসার প্রয়োজনীয়তা, উপায় ও প্রশিক্ষণ উপকরণ নিয়ে আলোচনা করেন। পরিদর্শনকালে বাংলাদেশের প্রেক্ষাপটে মাদক চিকিৎসা এবং এর মানবৃদ্ধি নিয়ে আলোচনা করেন উপ-পরিচালক ইকবাল মাসুদ। শিশু মাদকাস্ত্রদের স্বল্প মেয়াদি চিকিৎসা বা 'ডিটার্মিফিকেশন' গাজীপুর সেন্টারে সম্পন্ন করার পর তাদের দীর্ঘ মেয়াদি পুনর্বাসন প্রক্রিয়ায় পঞ্চগড়ের চিলড্রেন সিটিতে ১৮ বছর বয়স পর্যন্ত রাখার প্রক্রিয়া ব্যাখ্যা করেন তিনি।

হক-বুলু আহচানিয়া মিশন হাসপাতালে ফ্রি গাইনি ক্যাম্প অনুষ্ঠিত

আমিক-ঢাকা আহচানিয়া মিশনের আয়োজনে পটুয়াখালীর শিয়ালিতে অবস্থিত হক-বুলু আহচানিয়া মিশন হাসপাতাল প্রাঙ্গনে ১৪ ও ১৫ সেপ্টেম্বর, দুইদিনব্যাপী ফ্রি মেডিকেল ক্যাম্প আয়োজন করা হয়। উদ্বোধনী অনুষ্ঠানে সভাপতিত্ব করেন হক বুলু ট্রাস্টের চেয়ারম্যান এম এ হক এবং প্রধান অতিথি ছিলেন পটুয়াখালির অতিরিক্ত জেলা প্রশাসক খাইবুল হাসান। এতে স্বাগত বক্তব্য রাখেন আমিক-ঢাকা আহচানিয়া মিশনের উপ-পরিচালক ইকবাল মাসুদ।

ইউনওডিসি অস্ট্রিয়ার প্রতিনিধির আমিক সেন্টার পরিদর্শন

রাজধানীর মোহাম্মদপুর ইকবাল রোডে আমিক-ঢাকা আহচানিয়া মিশন নারী মাদকাস্ত্র চিকিৎসা ও পুনর্বাসন কেন্দ্র পরিদর্শন করলেন ইউনাইটেড নেশন অফিস অন ড্রাগ এন্ড ক্রাইম ইউএনওডিসি অস্ট্রিয়ার প্রতিনিধি, এলিজাবেথ ম্যাটফিল্ড প্রকল্প সমন্বয়কারী, ড্রাগ ডিপেন্ডেন্সি ট্রিটমেন্ট ভিয়োনা। ১২ আগস্ট পরিদর্শনকালে তিনি ঢাকা আহচানিয়া মিশনের এই উদ্যোগের প্রশংসা করেন। এ সময় মাদকাস্ত্র নিরাময় চিকিৎসায় নিয়োজিত ডাক্তার, নার্স ও স্টাফের দক্ষতাবৃদ্ধির ওপর গুরুত্বারোপ করেন।

মাদক নিরাময়ে উন্নত চিকিৎসার জন্য নানান তথ্য প্রদানসহ ভবিষ্যতে মাদকাস্ত্র নিরাময় চিকিৎসার ক্ষেত্রে বিভিন্ন প্রশিক্ষণ আয়োজনের আশা ব্যক্ত করেন তিনি। এছাড়াও এলিজাবেথ ম্যাটফিল্ড ঢাকা আহচানিয়া মিশনের প্রধান কার্যালয়ে সভাপতি কাজী রফিকুল আলমের সঙ্গে সাক্ষাৎ করেন। এসময় উপস্থিত ছিলেন আমিক-ঢাকা আহচানিয়া মিশনের উপ-পরিচালক ইকবাল মাসুদ। পরে গাজীপুরে অবস্থিত ছেলেদের মাদকাস্ত্র চিকিৎসা ও পুনর্বাসন কেন্দ্র পরিদর্শন করেন এলিজাবেথ ম্যাটফিল্ড।

কলম্বো প্ল্যান আয়োজিত ইন্টারন্যাশনাল কনফারেন্সে আমিক প্রতিনিধির অংশগ্রহণ



কলম্বো প্ল্যান আয়োজিত ইন্টারন্যাশনাল কনফারেন্সে এস্ট ওয়ার্কশপ ফর ড্রাগ ডিমান্ড রিডাকশন স্পেশালিস্ট প্রোগ্রাম মালয়েশিয়ার মালাক্কায় অনুষ্ঠিত হয়। ২২-২৬ সেপ্টেম্বর অনুষ্ঠিত এ প্রোগ্রামে বিভিন্ন দেশের প্রায় ২শ' প্রতিনিধি অংশগ্রহণ করেন। প্রতিনিধিরা নিজ নিজ দেশের মাদক সংক্রান্ত তথ্য, মাদক নিরাময় ও চিকিৎসা সংক্রান্ত তথ্য এবং এ সম্পর্কিত গবেষণা উপস্থাপন করেন। বাংলাদেশ থেকে ৪ জন প্রতিনিধি এই প্রোগ্রামে অংশগ্রহণ করেন। এদের মধ্যে আমিক-ঢাকা আহচানিয়া মিশনের উপ-পরিচালক ইকবাল মাসুদ এবং ফিমেল ড্রাগ ট্রিটমেন্ট সেন্টারের কাউন্সেলর জাহানুল ফেরদৌস অংশগ্রহণ করেন।

মাদকাস্ত্র চিকিৎসা ও পুনর্বাসন সম্পর্কে জানতে ফোন করুন:

গাজীপুর: ০১৭৭২৯১৬১০২,

ঘোর: ০১৭৮১৩৫৫৭৫৫৫

ঢাকা: ০১৭৪৮৪৭৫৫২৩, ৫৮১৫১১১৪

আমিকের নতুন প্রকাশনা

আমিকের ২টি নতুন উপকরণ প্রকাশিত হয়েছে। “ধূমপান ও তামাক নিয়ন্ত্রণ আইন অনুযায়ী সকল রেস্তোরাঁ ধূমপানযুক্ত”



শিরোনামে একটি লিফলেট এবং “রেস্তোরাঁ ধূমপানযুক্তকরণ নির্দেশিকা” শিরোনামে একটি ব্রাশিয়ার প্রকাশিত হয়েছে। এই প্রকাশনা দু’টির সহযোগিতায় ছিল ক্যাম্পেইন ফর টোবাকো ফ্রি কিডস।



আমিক, বাড়ি- ১০/২, ইকবাল রোড, ব্রক-এ, মোহাম্মদপুর, ঢাকা-১২০৭

কাজী রফিকুল আলম কর্তৃক প্রকাশিত এবং পূরবী অফিসেট প্রেস, ৭২৬/২৮, আদাবর, ঢাকা থেকে মুদ্রিত।

ফোন: ৫৮১৫১১১৪, মোবাইল: ০১৭৪৮৪৭৫৫২৩, ই-মেইল: info@amic.org.bd, amic.dam@gmail.com, Web: www.amic.org.bd